



Pårørandegruppa i Stallanemarka burettslag v/Evy Utne Knutsen
BREKKELIA 10
5914 ISDALSTØ

Referanser:
Dykkar:
Vår: 22/2992 - 22/32661

Saksbehandlar:
Bernt Fjordheim
bernt.fjordheim@alver.kommune.no

Dato:
27.04.2022

Svar på brev om organisering - Stallanemarka burettslag

Viser til brev frå pårørandegruppa i Stallanemarka burettslag v/Evy Knutsen, datert 04.04.2022.

Alver kommune og Habiliteringstenester er takksame for innspel og tilbakemeldingar frå pårørande i arbeidet med å forbetre og vidareutvikle tenestene. Endring i organisasjonen og auke av leiarar i Habiliteringstenester er ikkje eit tema i dei pågåande prosjekta.

Organiseringa av Helse og omsorgstenestene i Alver kommune vart utarbeidd i ulike prosjekt i dei ulike tenestene, der Habiliteringstenester var ein av desse. Organisasjonsplanen for tenestene er administrativt godkjent av rådmannen (kommunedirektøren). Inndeling i avdelingar vart gjort ut frå ulike kriteria, og dei alle fleste avdelingsleiarane har ansvar for tenester på meir enn ein lokasjon.

Avdelingane i Habiliteringstenester er ulike og i vurderinga av leiarspenn har det mellom anna vore teke omsyn til tal tenestemottakarar, tal tilsette samt kompleksitet i tenesteyting og drift.

Avdelingsleiaren har eit overordna heilskapleg ansvar for fag, personell og økonomi. Tenesteytinga vert utøvd gjennom myndiggjorte medarbeidarar som rapporterer til avdelingsleiar. Avdelingsleiar rettleier, støtter og legg til rette slik at medarbeidarane skal kunne utføre fagleg forsvarlege tenester og drive fagutvikling.

Samarbeid med pårørande og verje er i første rekkje ei primærkontaktoppgåve. I meir komplekse saker og ved endringar, vil avdelingsleiar verte involvert.

I samband med prosjektet «Leiing, kvalitetsforbetring og ressurseffektiv drift» er det igangsett eit arbeid der mellom anna behovet for tenester vert kartlagt, og vedtak vert oppdatert. Dette vil resultere i betre samsvar mellom behov, vedtak og ressursbruk.

Alver kommune har som mål at mottakarane av helse- og omsorgstenestene skal få gode og rette tenester ut frå sine behov, og våre tilsette arbeider kontinuerleg med forbetringar. Aktuelle forbetringspunkt i Habiliteringstenester er mellom anna informasjonsflyt, forventingsavklaring, samarbeid med pårørande, kompetanseheving, evaluering og oppdatering av vedtak, m.m. I arbeidet med dette ser me fram til eit framleis godt samarbeid med pårørande og pårørandegrupper.

Eg deltek gjerne på eit møte med pårørandegruppa i Stellanemarka for dialog og avklaring kring organiseringa og dei ulike rollene/funksjonane, og for å få innspel på moglege forbetringstiltak.

Med helsing
Alver kommune, Habiliteringstenester

Bernt Fjordheim
Tenesteleiar

Dette dokumentet er elektronisk godkjent og har difor ingen signatur.

Kopi til:

Arthur Kleiveland
Helge Kvam
Leni Dale
Åge Bård Johnsen

Mottakarar:

Pårørandegruppa i
Stellanemarka burettslag v/Evy
Utne Knutsen

BREKKELIA 10

5914

ISDALSTØ